

ALM SEVERAMENTE AFECTA PA WELGA DI PILOTONAN

PASAHERONAN A SER PERHUDICA

ORANJESTAD - For di diabierne atardi cuat'or directiva di Antilliaanse Luchtvaart Maatschappij (ALM) a hanje obliga di suspende su actividadnan mientras cu nan tabata busca moda di charter avionnan di Linea Aeropostal Venezolana pa motibo cu e pilotonan di ALM a inicia un welga contra e compania di Aviacion local.

E cuestion aki a bira asina serio cu e directiva di ALM pa medio di su abogado mr. Hage, a cuminsa un juicio sumarísimo (kort geding) contra e piloto. Ultimo informacionnan cu nos a hanja, ta bisa cu e juicio aki, cual mester a tuma lugar diasabra atardi dos'or no a sigi como cu e pilotonan a desaparece y di tal manera e deurwaarder no por a entrega e dagvaarding na nan personalmente. ALM awor aki ta bulando cu solamente un avion, cual ta worde pilotea pa e hefe-piloto sr. Van der Werf, kende hunto cu un mecanico di abordo, ta e unico dosnan cu no ta welga. Tur e otro 14 pilotonan ta na welga. Ademas tin un otro piloto, sr. Bush, kende ta for di Antiyas cu vacacion y kende por lo tanto tampoco no ta welgando.

Como consecuencia di e welga aki, y gracias na e hecho cu nan por a charter un avion di LAV diabierne anochi mes, tabata posibel pa transporta e pasaheronan di ALM cu LAV pa Maracaibo mientras qu diasabra mainta nan a ehecuta un vuelo pa Aruba y un pa Bonaire diasabra atardi cu avionnan di LAV. Un avion di KLM-- un Convair 340 a ser utilisa pa complementa e vuelonan qu ta programa pa Diasabra y ayera.

Causa di e welga

Durante un conferencia di prensa qu tabatatin diasabra mainta na oficina di ALM, señores Rupplin von Keffikon y Yrausquin, a splica detayadamente e diferente puntonan qu tabata relaciona cu e conflicto.

Henter e asunto a cuminsa cu e retiro cu e piloto C. Molendijk a hanja serca ALM. Senyor Molendijk, segun nan a splica diasabra mainta den pasado tabata traha pa Surinaamse Luchtvaart maatschappij y tin mas o menos un anja y mei den servicio di ALM. Durante e periodo aki el a causa e compania basta dificultad y cos qu a pone directiva di ALM dunela su retiro, tabata e hecho qu diabierne ALM a laga entrega un carta na su cas, pero senyor Molendijk a nega redondamente di acepta e carta aki, bisando "qu ta su dia liber".

aki, nan ta ser paga extra. For di basta dia caba e deliberacion entre e pilotonan y directiva di ALM ta tumando lugar caba, ya cu e arreglo actual ta esun qu ALM a tuma over di KLM dia qu nan a bira un compania Antillano.

E pilotonan, segun senyor Rupplin a splica diasabra mainta, ta tambe e hecho qu nan tabata kier mihor condicionnan di trabao.

Y ora qu Molendijk a hanja su retiro, nan a kere cu e asunto aki tabata relaciona qu e deliberacion nan pa un otro arreglo di oranan di trabao.

No obstante e hecho qu senjores Rupplin y Yrausquin a yama e pilotonan hunto diabierne atardi y a splica nan qu e razon pa cual nan a kita Molendijk for di trabao ta completamente distinto di loke nan ta kere, nan no a kesa satisfecho cu e splicacion aki y a persisti cu nan lo sigi welga.

Ora cu e situacion aki a presenta diasabra tarditabin dos avion cla pa sali. Unu tabatin pasahero den dje mientras qu pa e otro nan tabata yamando e pasaheronan.

E dos captain-nanaki, G. Ferro R.A. Innes a baha tranquilamente for di nan avion, solidarizando cu e causa di nan compañero qu a perde trabao, pero den opinion di directiva di ALM, qu ta considerando e welga aki como ilegal y despues di e pidi nan tres blaha pa ehecuta e vuelo a kita nan for di trabao al instante.

Mesora qu esakia sosode, directiva di ALM a incorpora ser-

vicio di un abogado, Mr. Hage, y a pidiele pa ta presente na desarollo di e asunto aki. Como consecuencia di esaki, e abogado, na nomber di ALM a cuminsa un Kort Geding contra e pilotonan qu ta welgando.

60 ORA PA LUNA E PILOTONAN LO BULA

Segun senyor Rupplin a informa diasabra mainta, e pilotonan a anuncia qu mientras qu e asunto di un arreglo definitivo tocante oranan di trabao y sosiego no ser regl nan lo bula strictamente 60 ora pa luna. ALM a contesta nan qu e condicion aki ta inaceptabel pa nan, mescos qu nan a rechaza e ultimatum di e pilotonan pa anula e retiro di Molendijk.

Senyor Rupplin diasabra mainta a declara qu e ta lamenta e hecho qu e conflicto aki a surgi net awor qu ALM tabatin intencion di busca capital pa renova y amplia nan flota di avion pero awor cu e situacion aki a surgi, esaki lo resulta sumamente dificil, pa logra hanja e capital aki.

Di otro banda tabata no por evita e conflicto aki pasobra si un piloto no tin e mentalidad pa funciona como captain, nan como directiva no por acepta e responsabilidad pa un bon funcionamiento di e compania y ta pesey no a keda nan nada otro sino di kitele for di trabao, bisando e di antemano qu aki 50 dia nan ta kitele.

Tabata hustamente esaki qu a motiva ALM di no baha cabes pa e ultimatum di e pilotonan y mantene e retiro di Molendijk.

Pa loke ta retiro di e dos otro pilotonan, Innes y Ferro, directiva di ALM ta pará riba e punto di vista di qu ya nana asumir responsabilidad di e vuelo qu nan mester a ehecuta y cu nan mester a caba di realisa e vuelo y despues bin papia riba e dificultadnan.

CANTIDAD DI PILOTONAN DEN SERVICIO

Te diabierne ALM tabatin 16 piloto den servicio. Di e cantidad aki, e hefe-piloto senyor van der Werf, no ta welgando. Ta sobra 15 piloto. Di e total aki, tres a hanja nan retiro, di manera qu a keda 12 piloto qu a declara nan mes solidario cu e causa di nan compañeronan. Diasabra mainta ALM lo utiliza chef-piloto van der Werf pa e vuelo caminda esaki ta mas necesario, hunto cu e mecanico di vuelo Janse, mientras qu pa e otro vuelonan manera nos a bisa caba, nan ta hasiendo uso di avionnan di LAV cu tripulacion di e compania venezolano.

Como consecuencia di e dificultadnan qu a surgi diabierne, tabata necesario pa a laga pasaheronan qu mester a bai Aruba diabierne anochi, bai cu e vuelo di PanAm, mientras qu e vuelo di KLM for di New York pa Corsouw, a pasa laga 28 pasahero na Aruba y recogiendo esunnan pa Corsouw, y transporta nan pa Corsow. Diabierne anochi tambe un avion di LAV a bula bai Maracaibo cu 25 pasahero di ALM mientras qu diasabra mainta un DC-3 di LAV a bai Aruba.

E posibilidad ta existi qu LAV lo manda un Viscount Corsouw pa transporta pasaheronan di ALM.

Contribui pag.2



Diabierne mainta a tuma lugar den Trocadera, e pasamento di e acto pa fundacion di e "Stichting Arubaans Carnaval" esta e stichting pa celebracion di carnaval na Aruba. E acto aki a ser pasa pa notario Mr. C. Heufke. E foto ta muestra e momento cu e notario (cu camisa blanco) tabata leza e acto. Na man robes di Sr. Heufke, ta sr. Milo Croes, presidente di e stichting.

ALM SEVERAMENTE...

Cont. di pag. 1

PROMER BIAHA QU TIN WELGA ASINA

Segun nos por a comprende diasabra mainta for die combersacion qu nos tabatin cu directiva di ALM, esaki ta promer biaha qu e pilotonan di ALM a welga.

Parti di e pilotonan aki tin un contract pa 2 of 3 aña cu ALM mientras qu e otro nan tin un acuerdo individual firma cu e compania. Nan no tin bond pero den e conflicto aki nan a nombra dos representante qu ta pilotonan Innes y Casimiri. Manera nos a bisa caba, Innes a hafia su retiro "op staande voet" ora qu el a nenga di ehecuta e vuelo qu e mester a realisa ayera mainta di manera qu ta probable qu nan lo nombra un otro representante pa atende e asunto aki cu directiva di ALM.

Qu e relacionnan debido na e accion aki di parti di e pilotonan ta daña e relacionnan pa hopi tempu despues qu e problema ser soluciona ta un hecho y esaki ta ser altamente lamenta door di directiva di ALM.

E hecho qu directiva di ALM a yama tur e pilotonan huntu pa splica nan cu retiro di Molendijk no tin nada di haber cu e dificultadnan den reglamentu di un acuerdo tocante mihor condicionnan di trabao, no a ser acepta pa e pilotonan y esaki a agrava e asunto considerablemente.

PILOTONAN SU TA INVOLVI

Despues di e conferencia di diasabra mainta, e presidente y otro miembro di directiva di Nederlands Antilliaanse Bond van Luchtvaartpersoneel tambe ahasi uso di palabra pa splica qu nan bond ta completamente neutral den e asunto aki y a nan no tin nada di haber cu e conflicto. Y ta solamente e pilotonan ta welgando. Naturalmente, asina un di e dirigentenan di e bond a splica, nan ta spera cu e situacion aki lo ser remedia lo mas pronto posibel pero categoricamente nan a desmenti cu nan

ta tumando parti pa un di e dos partinan envolvi den e conflicto.

Segun a ser informa, aparentemente e pilotonan di ALM cu ta welgando, a drenta den contacto cu e bond di pilotonan Venezolano, na cual e pilotonan di LAV ta afilia y como consecuencia di e paso aki, e bond di pilotonan Venezolano a ordena e pilotonan cu tabata na Corsow pa nan no bula mas pa ALM.

Como consecuencia di esaki, e pilotonan tabata pa sali di regreso pa Venezuela diasabra merdia interrumpiendo asina e labor cu nan a bini ta cumpli for di dia bierne anochi y diasabra mainta, transportando pasahero pa ALM.

Diasabra mainta mes un avion di LAV a bin Aruba, pero segun senor Yrausquin director di ALM a informa nos, tur e vuelonan di ALM pa Aruba y Bonaire diasabra atardi y anochi a tuma lugar normalmente cu e tripulacion cu nan tin ainda, forma pa captain van der Werf y e mecanico di vuelo Jans. Diasabra atardi dos or tabatin e kort geding contra e piloto nan y tabata ser spera cu hues lo a ordena nan di regresa trabao atrobe.

VUELONAN.

Diasabra anochi tabatin dos vuelo di ALM, cu e mesun piloto, pa Aruba. Diadomingo un jet pa New York a baha na Aruba pa laga algun pasajero for di Corsow. Tambe den horanan diatar di un jet cu mester a bai Corsow, a baha na Aruba pa coge algun pasahero pa Corsow.

Te ayera noch binticinco pasa di ocho, e prome avion di ALM a yega Aruba cu pasaheronan y despues el a sali pa Corsow atrobe. Despues a sigi un otro vuelo di ALM cu a trece pasahero pa un cuarto pasa di diez.

E avion aki a sali pa Corsow pa cinco pasa di diezun e mesun anochi. Awe mainta tambe tabatin dos vuelo di ALM for di Corsow.

A V I S O

Un representante di A.G. McKEE & CO., lo ta na B.v.d. Veen Zeppenfeldstraat 67, San Nicolas, ariba Hollandse Bank Unie pa jena aplicacion pa trabou. E oranan lo ta manera siguiente: di 10 - 12 or a.m. y riba dia 11-12-14 y 15 di November. Tambe aplicacion ta obtenibel na INCU.



Openbare vergadering van de Eilandsraad van Aruba op woensdag 16 november 1966 des avonds om 8 uur. 1)

Enig agendapunt:

De interpretatie van de beslissing van de Raad in de openbare vergadering van 26 september 1966 met betrekking tot de handhaving van de vierde eerste klasse van de H.B.S., Colegio Arubano.

Oranjestad, 11 november 1966.
De wnd. Voorzitter
I.S. de Cuba.

1) Het houden van deze vergadering is gevraagd door de raadsleden: E.R. Finck, L.A.I. Chan- ce en J.U. Maduro.

Vendo hasta 222 acciones de N.V. Aruven (Aruba) por mejor oferta u ofertas en exceso de 732 florines por accion. Favor remitir ofertas al apartado 6847 Caracas antes del 15 de diciembre de 1966.

GRANDIOSO CONCURSO

PARTICIPA DEN E GRANDIOSO CONCURSO DI

N.V. WARENHUIS VAN DER REE

/LA VICTORIA

Durante lunan Augustus, September, October, November, y December 1966 y gana un di e famoso auto.

AUSTIN MINI SUPER DELUXE

Cu cada compra di f. 10.- of mas bo ta ricibi un formulario pa participa. Mas formulario bo entrega mas chance bo tin pa gana e bunita auto.

AUSTIN MINI SUPER DELUXE

Bin mira e auto AUSTIN MINI den nos pacus, y no perde tempo pa luma parti den e Grandioso concurso aki.

Resultado ta ser anuncia dia 31 di December 1966 pa 4 or p.m.

INGLATERRA KIER TA SIGUR CONTRA SPIONNAN

LONDRES—UPI—Inglaterra ta investigando e posibilidad di qu tabatin actonan contrario na e ley di secretonan oficial cu cual

e pais ta protega su mes contra spionnan.

Matthew Roger, inspector hefe di Scotland Yard, a bisa qu "nan ta realizando investigacionnan

amplio" den tal sentido ora qu nan a pidi e tribunal di Southend-On-Sea, pa laga e acusado Cecil William Constant Mulvena, frances di nacimiento, deteni te na 18, y quende e peticionnan norteamericano a atribui vinculacionnan cu e sargento norteamericano William Boeckenhaupt, quende ta detene bao di sospechonan di spionaje.

Mulvena, corredor di propiedad qu a sigura di a actua den e movimientu di resistencia frances durante segunda guerra mundial, a ser detene ora qu el a baha for di un avion qu a tresele bek for di un viaje di vakantie door di Europa Continental, na momentonan qu investigacionnan tabata ser hasi contra spionaje na Merca, Canada, Europa Occidental y Medio Oriente.

Nan a acusa e detenido di tabatin secretonan oficial den su poder y di usa un pasaporte qu ta corresponde na un persona quende a muri un anja pasa.

Maxwell Lewis, abogado di Mulvena, no a pidi libertad bao fianza pa su acusado, "en vista di e gravedad di e acusacionnan."



EL REY DEL TRAGO

Tin un
SORPRESA
Pa su consumidornan

MIRA BAO DI E
TAPA DI CADA
BOTTER
RON REY
DE COPAS

Pa mas informacion:

Aruba
Distilling Co.

TEATRO DE VEER aire-acondicionado ta presenta

14 - 16 November

"THUNDER BALL"
cu JAMES BOND



Fl. 2.00 -- All Ages



Durante e bishita cu e delegacion parlamentario Antillano a hasi na e empresanan di Fokker na Schiphol nan por a sera conoci cu un di e trahadornan senor R.F. Croeze, cu recientemente a bira campeon lightweight di e provincia Noord-Holland. Riba e foto aki e bordo Croeze ta demonstra e delegacion un di su posesnan.

Mas ley na Guyana

GEORGETOWN (Guayana)—UPI—Gobierno lo presenta na parlamento un proyecto di ley riba e detencion preventiva y restriccion di libertad, segun nan a anuncia. Di acuerdo cu e disposicion aki, ningun persona lo por ser detene pa mas di tres luna sin aprobacion di un tribunal special qu lo ser crea.

E ley ta duna polisnan autoridad pa tuma e medidanan qu nan ta considera necesario den e ejercito di nan funcionnan, specialmente den loke ta relaciona cu explosivonan y control di armanan di tira.

E detencion preventiva of e restriccion di libertad lo ser ordena unicamente pa e gobernador general pero otro medidanan qu a ser inclui den e proyecto di ley lo drenta na vigor unicamente ora qu e actual es-

tado di emergencia termina.

E facultadnan di emergencia, qu a ser ordena pa medio di e consejo na 1939—un medida di tempu di guerra—lo ser sustitui den e proyecto di ley pa un legislacion local den cual nan ta permiti e gobernador general pa dispone e reglacion necesario durante un estado di emergencia.

BURDEOS, Francia -- UPI -- E futbolista brasileiro Pontes de Livelra Ruiter ayera noch a yega e ciudad aki den un viahe for di Recife, via Rio da Janeiro, Lisboa y Paris, pa ingresa e club Girodinos di e ciudad frances aki.

Ruiter cu tabata hunga pe club di Recife, mester a firma su contract ayera noch cu e club local.

NACI BO CAS MAS BUNITA PA TEMPO DI PASCU


INTERIOR EXTERIOR

Comotin Comoline Comolux Comotex



* Verf di calidad traha den tropico especialmente pa tropico.
* E mihor verf pa un proteccion duradero.
* 1001 diferente color pa un alegre temporada
* Obtenibel den tur bon tienda di verf.

ANTILLIAANSE VERFFABRIEK N.V.
VERF ANTILIANA TA MAS MIHOR Y MAS ECONOMICO



Rey De Copas

Fls. 200.--

na su participantesnan di concurso cual ta hunga dia 19 di November 1966.

Cuanto placa tin den e vitrina di Aruba Distilling Co., na Wilhelminastraat No. 51?

REGLANAN PA PARTICIPA.

- 1) Pa cada botter bashi di Rey de Copas di mei Galon bo ta recibí 4 tickets, pa cada botter di 12/1 botas recibí dos tickets, pa cada botter di 24/2 bo ta recibí un ticket y pa cada dos botter di 48/4 bo ta recibí un ticket.
- 2) Entrega e formulario aki jená na oficina di Aruba Distilling Co., Wilhelminastraat No. 51.
- 3) E mes persona por jena cuanto formulario cu e ta desea, contal cu e entrega pa cada formulario e cantidad di botter bashi requerido.
- 4) Si tin mas cu un beneficiado e premio ta ser parti den esnan cu tin e pregunta correcto.

ATENCION PUEBLO DI ARUBA! ESAKI TA REALIDAD

Nada di Chens

Gana placa of Ron unbez
TUR HENDE TA GANA!!

SIBONNE e RON di halta calidad

SIN RIFA

ta ofrece na consumidores di SIBONNE lo siguiente

Premios bau di tapa



- | | |
|----|----------------------|
| S | Fls. 1.-- |
| I | Fls. 2.50 |
| B | Fls. 5.-- |
| O | Fls. 10.-- |
| N | 1 botter 24/2 gratis |
| N2 | 1 botter 48/4 gratis |
| E | Fls. 25.-- |

Premio di Fls. 25.--
letra E mester cambia na oficina di Mercurius Trading, Fergusonstraat 116.

PA SABOR Y CALIDAD

RON SIBONNE!

Cambia premios, botternan y tapas na tur rumshop y tienda favorital!

sonjo. E no tabata sabi ora el a drumi, pasobra ora cu el a lanta el a bin haya su mes riba un barco masha grandi. E no por a mira nada pasobra e tabata tin su wowonan bon mará. Unico cos si cu e tabata tende hendenan tabata papia un ienga cu e no tabata comprendé. El a purba ios e panja cu e tabata tin dilanti di su wowo, ma e no por a haci esaki. Span-tá el a keda warda mira kico lo pasé.

Warda e no mester a warda hopi pasobra un rato despues un dje matroosnan a bini serca dje. El a kita e panja foi su wowonan y a hibé cerca e capitan di e barco. Esaki a cumindé masha carinoso ora cu el a miré drenta den su cuartito. Y promé cos cu el a puntré ta: Bo sá unda bo ta? No. Rodolfo a contesté. Ta awó

aki nan a caba di kita e panja cu mi tabata tin dilanti di mi wowo. Y unda mi ta? Rodolfo a puntra. Wel abo ta abordo di un di e barconan di mas buscé aki den mar Caribe. Bo ta abordo di e barco cu llama Scorpioen. Hopi hende ta llama e barco 'ki un barco fantasma, pasobra ora cu nan kler haya nos, nos ta nabe-ga asina lihé cu nan no ta haya nos nunca. Y ora cu nan ta cerca di haya nos nos ta desaparecé foi nan bista door di drenta den e lagoon scondi 'ki. Foi aki nos ta sali y atrobe nos ta sigui ataca otro barconan. Esaki nos por bisa cu ta nos cas, aki nos ta planea nos otro barconan. Ami ta e capitan di e barco 'ki y mi jama Diego Vassques. Ma, ki mishi mi abordo di e barco pirata 'ki? Rodolfo a puntra.....

JACK JOHNSON TA BAIEUROPA

WILLEMSTAD -- Awe noch siet'or e conocido campeon y idolo di Corsow Jack Johnson lo sali cu destino pa Hulanda cu avion. Johnson a ser contracta pa e conocido Henk Ruhling pa un pelea dia 18 di november na Keulen contra e campeon aleman Jupp Elze.

Na Hulanda Johnson lo ser busca na aeropuerto pa Ruhling, serce kende lo e pasa un anochi y un dia na Zandvoort.

Dialuna nan dos lo cuminsa un biahe cu auto pa Bad Oeyenhau-sen pa e prepara su mes pa e pelea menciona.

Lo mi conta boso di Rodolfo y e Lagoen perdi

Rodolfo tabata un mucha homber masha balente. Foi tempo cu e tabata chikito e no tabata tin miedo di nada. Y awó cu e tin 17 aña e ta e mucha di mas balente cu tabata tin banda di su cas. Un di e cosnan cu e tabata gusta haci masha hopi tabata bai piscar o sino sali cu su boto poco p'afó y tin blaha e tabata keda henter dia afó riba lamá. Semper cu e tabata asina den su boto e tabata pensa cu lo e bira un capitan masha grandi y cu lo e haya un barco di bela masha grandi p'è goberná. Ma despues di tur e pensamentonan 'ki e tabata bisa den su mes: Ta na unda lo mi haya tur e placa pa compra un barco asina. Y como e no tabata tin placa pesey e tabata keda hopi cu su boto den lamá y asina e tabata gosé como capitan. Hopi blaha su mayornan tabata bisé cu esaki no tabata bon, pasobra kizas por pasa algo y e ora no tin ningun hende pa yudé. Ma Rodolfo no tabata tende di ningun hende y e tabata sigui bay lamá y keda te laat. Tin blaha marduga tempran e tabata coy loke e tabata tin mester pa bay piscar y te anochi laat e tabata boibe. Casi tur blaha e tabata bin cu hopi piscá. Ma riba un dia cu e tabata afó ta piscar banda di rif poco pa Zuid di Ruba un mal tempo a bin lanta y a obliga Rodolfo busca un iugá sigi promé cu e wordu matá door di e mal tempo 'ki. Y e tabata tin suerte, pasobra sin hopi trabao el a bin llega na rif p'afó di Ruba y aki el a hincá su curpa bao di matanan di mangel cu ta-

bata crece na gran cantidad aki banda. El a spera e mal tempo pasa, ma door di cu e mester a warda sina hopi el a haya sonjo y a dicidi di bay dal un drumi chikito mira si ora e lanta e mal tempo a pasa bay. Y el a busca un bon lugá y a hayé. Despues di poco rato el a pega



Riba e portret aki cu a ser saca durante bishita di delegacion di Parlamento na Hulanda, nos ta mira di r.p.d. R.R. Petit (Aruba) I. Croes (Aruba) A. Werleman (Statenlid) I.O. Croes (Statenlid).

Na Alemania e pelea entre Elze y Johnson ta ser spera cu hopi interes, y esaki ta debí na e record di Johnson riba cuai tin dos victoria y un derrota e cam-

peon antillano Sugar Boy Nando. Ya e campeon antillano Nando ta hopi popular na Europa, especialmente pa su triunfo pa knock-out tecnico riba e campeon spanjo Luis Folledo.

Un publico di 6,000 hende ta ser spera na e pelea. Segun nos tin informá, Elze no ta un boxdo peligroso pa Johnson. Den e corant deportivo aleman "Deutsche Boxsport" tin un pagina completo cu ta comenta riba e pelea venidero.

Den e mesun programma cu Johnson ta box un otro boxdo antillano, den persona di Kid Spider (Aruba) lo hasi su presentacion y bien contra e boxdo Rolf Kersten, mientras cu e boxdo surinameño Blinker lo bringa contra Dampman.

Diahuebs ultimo e boxdo antillano Fighting Mack (Corsow) a bai dokter den compania di Nando y Ruhling encuanto Mack su wowo pa un ultimo control.

Tur cos ta depende di e control aki cu Fighting Mack tin mag di brinda.

Nos ta desea cu Johnson lo tin hopi éxito den su futuro peleanan y tambe cu e lo corda cu cada un di su victorianan lo ta propaganda pa boxeo di Corsow. Johnson tur cos bon y éxito.

ABONA
ARUBAANSE
COURANT

PAGINA DEPORTIVA

PRESENTA

PA:



Estrella a golea Jong Aruba cuater pa uno

(Di nos redaccion)

Pa e cuarto puesto di e tabla di posicion e onena di Estrella a pasa ayera tardi ora cu nan a logra victoria di cuater gol pa uno ariba e equipo di Jong Aruba. Den e cuarto puesto cu ocho punto Estrella tin compania di RCA y di San Nicolas jrs. E triunfo di ayera tardi tabata number cuater pa Estrella den e actual temporada. Pa Jong Aruba esaki tabata derrota number shete, loke ta pone nan cuater punto bao di nan mas cercano rival cu ta Sportboys. Jong Aruba a pika adilanti den di 18 minuut cu un gol di Chico Farro. Tabata aparentemente cu e veloznan di Noord lo logra mas gol e atardi pero ta na esun di Farro nan a keda.

Poco despues Malky Rasmijn a anota un gol cu door di e referi Lacle a wordu anulá. Un delantero di Estrella cu a rush sin logra domina e bala por completo durante un scrimmage korre bai para den gol. Y na e momento ey e midvoor Rasmijn a pone un shot cu bai gol. E referi Lacle a husga cu e hungador di Estrella den gol ta offside y a anulá e gol.

Un anulacion cu a parse nos un error di e arbitro pero Estrella no a perde mucho tempo pa bolbe anota uno cu si tabata completamente valido. Tambe esaki a wordu anota door di midvoor Malky Rasmijn. Na halftime e score tabata 1-1. Dies minuut despues di e reanudacion MAIKY Rasmijn ta faya di masha cerca ariba un voorzet di linksbuiten Lonchi Dubero.

E proximo atake di Estrella ta trece otro momento di peliger pa Jong Aruba. Di Rasmijn e bala ta wordu hunga pa Candi Wernet, kende for di algun meter pafor di doelgebied ta pone un shot. Keeper Nel Gefrank di Jong Aruba ta para waak keriendo cu e bala ta sali na banda, pero contra di tubo e bala ta dal pa rebota bin back den tereno. Un bon coloca shot cu a merece mihor suerte esun di Candi tabata.

Den di 65 minuut di wega duran te un atake nobo di Estrella, MAIKY Rasmijn ta pone shot lastra cu ta mishi na zapato di un defensa di Jong Aruba cambiando di direccion. E bala ta coge skina y ya keeper Frank no tin tempo pa trata di detene. E bala a bai para te den net pa pone Estrella ariba dos gol pa uno. Dos minuut mas laat e delantero Doy Werleman di Estrella ta camna sali for di wega, despues di faya tratando di haci un pase.

Door di esey Estrella mester a continua e ultimo parti di e wega cu dies homer so. Jong Aruba ta forma diferente atake, pero sin logra trece e gol cuida door di Janchi Croes den verdadero peliger.

Ora cu Estrellas ta bai den atake tin momentonan mas peligeroso. Un pase skerpi di Candi Wernet pa linksbuiten Lonchi Dubero a habri caminda pa esaki. Dubero a ricibi, y rush bai aden pa pone duro shot diagonal cu keeper Frank no por a taha. E bala a span e net du-

nando motibo pa move e marcador te na 3-1, pa Estrella. Faltando cinco minuut pa wega caba, gol number cuater di Estrella ta wordu produci door di Betico Dubero. Esaki a hunga casi e henter wega hopi atrasa, pero a cuminsa ta yuda e linea delantero mas den e ultimo parti. Su shot lastra a dal den man di keeper Frank sin cu esaki a logra garra e bala completamente. E bala a sali y sigi den gol pa pone e marcador na 4-1 pa Estrella.

Esaki tabata por cierto tambe e score final di e wega. Ayera Estrella a demostra atrobe su calidad cu a pone cu e tabata ser so considera como un fuerte candidato pa e titulo na principio di e campeonato.

Cu e ocho puntonan ariba su nomber Estrella ta shete bao di Dakota cu ta den promer luga.

Teoreticamente Estrella tin tur chens ainda, pero pa logra esaki nan suerte mester cambia hopi. Mas di uno di e cinco weganan perdi tabata door di un grandosis di mala suerte cu a acompaña e muchanan di Estrella den e campeonato.

Sinembargo

si e equipo sigi hunga cu ala y cuerpo batayando tur loke tin pa duna nan mihor futbol ta bon posibel cu nan alcansa un di e puestonan di mas haltu. Material pa logra esaki tin den e equipo.

Exitoso conclusion di campeonato judo pa junior

(Di nos redaccion deportivo)

Cu hopi encuentro interesante e ultimo combatenan di e campeonato judo junior a tuma lugar ayera tardi. Escenario di e conclusion di e campeonato tabata e sala di gymnastiek di e school na Sta. Cruz, caminda un publico basta numeroso a acudi pa presencia e finalnan. Naturalmente gran parti di e publico tabata consisti di tata y mama di e diferente judokanan cu tabata den accion.

Door di e president di Aruba Judo Bond Carlos Bislip palabranan di bonbini a wordu expresa na tur presente kende tambe a desea tur e judokanan hopi suerte y cu e mihor lo gana.

Luego Bislip a introduci e persona kende lo tabata tin e direccion di e combatenan den su poder, esta Ramon Sharpe.

Tambe e judokanan a wordu introduci uno pa uno promer cu e combatenan a cuminsa den e division di sesenta liber a clasifica como promer pa e final Guido Montero ora cu el a gana di e unica mucha muher cu a yega e semifinallan Maria Berlinger. E segundo finalisada di e division a bira Piet van der Hulst kende a gana di Roeland Hulsen. Despues cu Maria Berlinger y Roeland Hulsen a topa otro pa e tercera puesto, resultando Roeland ganador, a topa otro den e final di e division Montero y Van der Hulst ganando e ultimo aki kende asina a bira campeon junior di Aruba den division di 60 liber. Subcampeon a bira Guido Montero. Robert Luydens den e division di 70 liber a obtene su promer victoria di e atardi ariba Rik de Meer pa bai den finale. Tambe a bai den finale Robby Hulsen cu a gana di Roland Luydens. E combate pa e tercer puesto entre Roland Luydens y Rik de Meer a resulta na favor di Luydens. Su ruman Robert Luydens den e finale a gana di Robby Hulsen pa bira campeon den su clase, mientras cu Robby Hulsen a keda subcampeon. Den e division di 80 liber Jan Willem Rebek a gana e promer pelea contra di Vivian Hymans. Tambe a resulta ganador pa dicidi e otro finalista Aryan Spit ariba Rudy Tonk. Den e pelea pa tercer puesto entre Vivian Hymans y Rudy Tonk a resulta ganador Hymans.

E final entre Jan Willem Rebel y Aryan Spit a bira un di e pelea nan di mas accion di e programa. Ambos hoben a combati fuertemente. Na conclusion di e promer cinco minuutnan ambos tabata tin mitar punto mientras cu Spit tabata tin 17 seconde di ventaha den un grip. Pero referi Ramon Sharpe no a considera esaki basta pa por dicidi e titulo di campeon. El a dicidi di duna dos minuut di tempo extra. Tampoco durante e dos minuutnan e referi por a yega na un desicion. El a sigi ta mira e combate un tabla. Trinta seconde extra el a duna cu tampoco a haciele dicidi un ga-

nador. Pa di tres biaha el a dicidi di alarga e pelea cu trinta seconde y a pidi e ora pa pone dos hues di linja tambe. Na final di e ultimo trinta seconde nan pa colmo e dos huesnan di linja a duna cada uno un ganador diferente kedando e decision tog na e referi.

Sharpe e ora a haja cu Rebel tabata e mihor den e ultimo tempo extra y a yama Rebel como e campeon kedando Aryan Spit subcampeon.

Paul Spit a gana e promer pelea di e division di 90 liber contra di Wouter Overstegen pa bai den final. Tambe a clasifica pa e final Robby Tonk ora cu e supera Ton Spit.

Den e decisivo pa puesto number tres Wouter Overstegen a gana di Ton Spit.

E division di novenan mas pisa, esta di mas cu 100 liber a trece promer pelea entre Peter Jacobs y Hugo van Trigt pa dicidi e finalista cu tabata tin di enfrenta Rob van den Berg. Esaki promer cu ayera ya a clasifica pa finale. Van Trigt a gana di Jacobs, pero despues a perde den e promer tempo extra contra di Ron van den Berg, despues di e tempo extra. Cu esaki Rob van den Berg a bira campeon kedando van Trigt como subcampeon y Jacobs number tres di e division mas pisa di junior.

For di mannan di srta. Hildegard Hintz e tresnan clasifica a ricibi nan medaya.

Finalmente presidente Bislip a gradicidi tur cu a coopera pa realisa e campeonato y a invita tur pa presencia e clausura di e temporada di judo dia 18 di december den centro cultural durante cual ceremonia lo wordu introduci na e publico e entrenador Hapones contrata pa Aruba Hisashi Kato.

Tabla di 2-2 entre Sportboys y San Nicolas Jrs.

(Di nos redactor deportivo)

Bao di un interes regular di parti di e amantenan di futbol a enfrenta otro diasabra anochi den Wilhelmstadion e equiponan di Sportboys y San Nicolas jrs. E onena di Sta. Cruz no a logra ripiti su triunfo di 3-2 obteni den e promer rond ariba e equipo di San Nicolas, aunque nan a yega varios biaha basta cerca di hacie. Score final di e wega di diasabra tabata 2-2, sien de tres di e golnan anota den e promer mitad. Cu esun punto cu e equiponan a hanja cada uno, nan puntacion ta lo siguiente: Sportboys 7, San Nicolas jrs. 8. Esaki ta nifica, sin conta e wega di ayera tardi entre Estrella y Jong Aruba, cu San Nicolas jrs. ta empata cu R.C.A. den e cuarto puesto, mientras cu Sportboys a subi pa e sexto puesto lagando e septimo pa Estrella. Promer gol di e partido a wordu anota door di e midvoor di Sportboys Felix Geerman, kende cu un shot largo a pasa e portero suplente di San Nicolas jrs. Hoo. E keeper regular di e equipo, Jose Robles tabata alineado como rechtsbuiten. Das-

pues di 20 minuut e otro Hoo den e equipo di San Nicolas ocupaulo e puesto di midvoor ta empata e wega.

Pero e wega no a keda existi mucho mas cu un minuut. Cu e saki Sportboys ta bai den atake y un shot largo tuma for di varios meter pafor di doelgebied door di Shon Ne Geerman, Sportboys ta bolbe bai adilanti, awor 2-1.

Direccion di San Nicolas jrs. ta haci cambio den su equipo mandando e chikito pero valiente Boel Briezen, kende tabata di suplente, den linea delantera, mientras cu Kenneth Elias ta bai hunga como keeper saliendo for di wega.

Luego Eddy Gomez ta purba cu un shot largo cu a pasa algun meter over di gol. Na halftime ainda Sportboys tabata tin e ventaha di 2 gol pa 1.

Un rapido rush di Felix Geerman ariba e gol di San Nicolas jrs ta caba cu un shot na banda tuma di hopi cerca.

E gol di empate na 2-2 ta yega dies minuut despues di reanudacion for di ala robes e bala ta wordu pone bon dilanti di gol caminda Nady Briezen ta bai a-

den pa shot duro di hopi cerca lagando keeper Shon Pe Geerman sin chens algun.

Anima cu e gol di empate San Nicolas jrs. ta bai mas den atake. Ariba un bon shot di Nady Briezen keeper Geerman ta luci hacienco dificil atrapada.

Defensa di Sportboys ta logra detene e avansenan di nan rivalnan. Durante e ultimo dies minuutnan di wega ta Sportboys ta na turno di pone presion. Keeper Kenneth Elias di San Nicolas ta reaccionna rapidamente pa taha un kopbal di e semper peligeroso Dama Werleman.

Durante e proximo atake di Sportboys, cu ta basta largo, na cierto momento e bala a pasa keeper Elias caba, pero su tras tabata para back Kock, kende asaka e bala cu cabes salbando su equipo di un gol cu lo por a nifica e derrota. Un rato mas laat Sportboys a hanja corner pa cobra for di aladrechí. E bala a baha bon ariba pia di e delantero Coco Ras, pero su shot tabata completamente mal dirigi. Ora cu referi Luis Brion a fluit pa ultimo biaha e anochi, e scoreboard tabata marca ainda 2-2.

MAZZINGHI A RETENE TITULO

ESTOCOLMO -- UPI -- E boxdo italiano Sandro Mazzinghi a defende su titulo di campeon europeo mediano liviano derrotando e sueco Bosse Hoegberg pa knockout tecnico despues di un minuut y 30 seconde di e di diescuater round.

E referee a suspende e pelea na e momento el pa Salba Hoegberg di un mayor castigo. E sueco a ser tumba pa conteo di nueve na cuminsamento di e round y ora el a sigi bringa e tabata evidentemente "groggy" y tabata incapaz pa defende su mes.

Hoegberg a subi ring pisando 70 kilo contra 69,5 di e campeon.

Agente di viahe di Panam a mustra riba e diferente atraccionnan cu falta ainda

WILLEMSTAD -- Ayera merdia e agentenan local di Pan American Airways, e firma S.E.L. Maduro and Sons a ofrece un lunch na un grupo di agentenan di viahe, quita realisando un viahe di orientacion tantu na Corsow como na Aruba.

E grupo aki ya a keda varios dia na Aruba y awor nan a bini Corsow pa haña un idea di loque nos isla tin di ofrece na turistanan.

Nan ta consisti di mas o menos binti persona, quendenan ta viaha bao di direccion di señor Librado Gonzalez Jr., di Pan American Airways na New York.

Durante un combersacion qu'un di nos reporteronan tabatin cu e agentenan di viahe aki, a declara qu nan a keda especialmente impresionado pa e panoramanan di nos isla facilidatnan turisticas, manera un abisa, pa "Honey-mooners", bin pa algun dia riba nos isla.

Na mesun tempu nan a menciona varios cos qu ta faltando ainda na Corsow mientras qu tambe nan a menciona varios problema qu ta surgi ora qu nan kier manda un turista nos isla.

Asina e agentenan aki a declara qu e cantidad di vuelonan for di New York y Miami pa Corsow mester ser aumenta considerablemente.

Esaki debido na qu e vuelonanaki ta sali muchu laat for di New York y ta yega Corsow entre dies pa diesdos or di anochi.

Di e manera aki e turista ta perde su promer dia di vacacion sperando na aeropuerto mientras qu si e vuelo tabata sali mainta for di Merca, muchu mas tantu viahero lo a hasi uso di e oportunidad pa bini Corsow.

Tambe e agentenan a splica qu e problemanan pa viaheronan qu ta bini for di otro estadonan di Merca y quendenan mester bai Miami of New York, tin qu sinta

arda varios ora promer qu nan a haña e coneccion pa bini Corsow, y si pa colmo nan tin qu viaha via San Juan, P.R., nan ta perde varios ora djies sperando di un avion pa otro pa yega nan destino.

Otro cos cu nan a comenta riba dje tabata exactamente loque e diario aki a bini ta propaga pe na diferente ocasion y qu ta e asunto di mas atraccion turistica y mas club nocturno riba nos isla.

E agentenan di viahe qu nos a combersa cune a splica qu no ta Casino, so mester ta e atraccion maximo den tur Hotel na Corsow pa nan atrae turista, pasobra manera a resulta, na varios otro lugar nan ta mandando turistanan y na e lugarnan aki no tin casino.

Sin embargo e turistanan ta gosa di nan vacacion pasobra tin diferente otro divertimento den bida nocturno pa nan keda satisfecho cune.

AVISA DEN
ARUBAANSE
COURANT.

Un di e agentenan a lamenta qu no tin lugar aki na Corsow caminda un hende por mira un show tipicamente Antillano mientras qu otro nan a declara qu na Merca ta masha dificil pa haña informacion concreto di sea Corsow of Aruba ya qu cada un di e islanan aki tin nan propio centro di informacion y hopi biaha ta resulta dificil pa obtene e informacion necesario pa un turista interesa den e corto tempu qu esaki ta cerca un agente di viahe.

Otro reclamo qu e agentenan aki tabatin qu na Corsow falta mas espacio masal den hotelnan di manera qu ta dificil pa nan manda un grupo Corsow.

Pa e poco tempu qu e agentenan aki tabata na Corsow, nan a mira basta cos di nos isla mientras cu tambe e trato qu nan a haña tabata cordial y a impresionan nan hopi.

Ayera noch Toeristen Bureau a ofrece e agentenan di viahe un coctel mientras qu na final di e lunch, e garantia a ser duna di qu nan lo trata mas tanto posibel di manda mas turista Corsow.

CONTACTO PERSONAL CU DELEGACION CHECOSLOVACA Y CAMARA DI COMERCIO DI CORSOW POR DEJA RESULTADONAN

WILLEMSTAD -- Un coctel informal a ser ofrecé ayera tardi door di algun representante di Camara di Comercio na un delegacion di Camara di Comercio di Checoslovaquia, qua yega Corsow ayera mainta.

E delegacion Checo ta formá pa e

vicepresidente di Camara di Comercio Checoslovaca, señor Jaromir Balcar, señor Lubor Zamlar, secretario di e Camara, ingeniero Jaromir Macek, representante di e compania Motokov y Hejc, Vojtech director di Prago Export.

Tabata presente pa intercambio di idea cu e visitantenan, señores Charles Gomes Casseres, presidente di Camara di Comercio di Corsow, señor Charles Debrot, señor Johnny Mauricio y Mr. van Ramshorst, secretario di Camara.

Den un splicacion corticu, señor Balar a splica obhetivo di nan viahe, qu ta pa amplia e contactonan comercial mediante contacto personal na e paisnan qu nan lo bishita durante di e viahe aki. E gira aki lo hiba nan despues di Corsow, caminda nan a yega ayera mainta directamente for di Zurich, pa Costa Rica, Panama, Republica Dominicana y Jamaica. En total na lo viaha durante di tres siman den e area aki pa explora e posibilidatnan di extende nan exportacionnan pa e region aki.

Industria y especialmente esun pisa na Checoslovaquia, segun señor Balcar a splica, a crece enormemente despues di segunda guerra mundial. Actualmente nan ta exporta 50 por ciento di nan produccion industrial, qu ta un aumento di 400 por ciento compara cu e loque nan tabata exporta promer qu segunda guerra mundial.

Checoslovaquia tin relacion comercial cu casi tur pais na mundo, asina el a sigui splica, pero comoquiera qu e diversidad di produccion cu nan tin di ofrece ta asina grandi, semper bai nan ta en busca di mercadonan nobo, loque ta responsabel pa e heho qu nan ta entre e dies promer paisnan exportador den mundu.

E vocero di e delegacion a declara qu prospecto comercial pa su pais ta sumamente bon y pa loque el a averigua y tende di e intercambio entre Checoslova-

RUSIA ATUMA PROME PUESTO DEN CAMPEONATO AJEDREZ

LA HABANA -- UPI -- Union Sovietica a recupera e prome puesto entre e finalistanan di Grupo A cu lo defini e diescuter prome colocacionnan di e campeonato mundial di ajedrez pa Copa Hamilton Russell.

Union Sovietica a recupera e posicion di privilegio ora nan a logra dos punto y mei den nan partido contra Espanja y a hasi nan total actualmente 16,5 punto.

Yugoslavia ta na e segundo puesto cu 16 punto despues di no por a hasi mas cu obtene mei punto den nan wega contra Bulgaria.

Estados Unidos cu ayera tabata na e prome puesto, a cain a tercer lugar cu 15,5 ora cu nan no por a conclui un wega contra Hungría.

Den clasificacion general di e grupo ta sigi despues Argentina y Bulgaria cu 14,5, Checoslovaquia cu 13,5, Rumania cu 13, Hungría cu 12,5, Islandia cu 9,5; Dinamarca y Alemania Oriental cu 9, Espanja cu 8, Noruega cu 6,5 y finalmente Cuba cu 5.

E colocacionnan den e otro gruponan:

Grupo B: Hulanda cu 17,5; Polonia y Suiza 14, Inglaterra y Austria 13,5, Colombia y Finlandia

13, Canada 11,5, Belgica 10,5 Israel 10, Suecia 10, Francia y Indonesia 9,5 y Escocia 8,5.

GRUPO C:

Italia 18, Filipinas, Tunes y Mongolia 14, Turquia 13, Grecia 12,5 Uruguay 11,5, Ecuador 11, Chile Portugal, y Venezuela 10,5, Irlanda 10, Luxemburg 9,5 y Puerto Rico 8.

GRUPO D:

Sudafrica 18, Mexico 14,5, Nicaragua, Monaco, Bolivia 11, Panama 10, Marruecos 8, Chipre, Libano, Hong Kong 5,5.

Den Grupo A, partidonan correspondiente na sexta buelta.

Rumania a gana e partido cu e tabatin suspende cu Argentina; Bulgaria y Yugoslavia a taba nan wega y cada uno a hanja mei punto mescos tambe a sosode cu Checoslovaquia y Noruega.

Estados Unidos y Hungría a bolbe suspende nan partido cu nan a cuminsa y Cuba cu Alemania Oriental, cu tabatin dos partido suspende a gana cada uno, un partido y asina a yega na e cantidad di punto cu nos a anuncia ariba.

Islandia a gana Dinamarca den e partido cu nan tabatin suspende,

unda nan lo por exporta nan produccion pa e paisnan den vecindario.

E vocero di e delegacion a declara qu el a yega di tende un cos cuenta di zona liber pero e splicacion qu el a haña di señor Gomes Casseres a resulta un revelacion enorme pa tantu e como su companeronan y mesora tambe nan a percura pa regla e compromisonan necesario pa pone nan mes completamente na altura di e posibilidatnan qu nos zona liber ta ofrece na nan.

Tambe a ser cumbini qu nan lo hasi un gira door di e zona liber na Nieuwe Haven dialuna mainta.

Como gesto di amistad, e cabesante di e delegacion, señor Balcar a entrega señor Gomes Casseres un regalu di su Camara di Comercio pa esun di Corsow mientras qu tambe el a dunale un regalu personal di glas Checo di fina calidad.

E coctel a desarrola den un ambiente sumamente agradable y franco y ta spera di qu di e manera aki, mediante e contacto personal, qu manera a ser demostrayera ta sumamente util, e por resulta den proposicionnan concreto y beneficioso pa Corsow.

Torneo di tennis internacional na Sao Paulo

SAO PAULO -- UPI -- Den partidonan correspondiente na e torneo internacional di tennis organisa pa e club Pinheiro y correspondiente na e individualnan femenina, e sueca Ingrid Lofdahl a vence e brasileña Ivonne Magaline cu score di seis-cero y seis-uno.

E argentina Raquel Giscafren no a hunga debi na un problema muscular na su planan.

Den individualnan pa caballero e chileno Patricio Rodriguez a vence e spanjo Jose Luis Arilla cu score di seis-cuater, tres-seis y seis-tres.

E brasileño Thomas Koch a vence e sueco Lars Olande cu score di seis-dos y seis-uno.

Edison Mandarino, miembro di e equipo brasileno di tennis pa Copa Davis, a derrota e campeón argentino, Eduardo Soriano cu score di seis-cuater y siete-cinco.

E semifinalistanan di e categoria individual awor ta Mandarino y e italiano Nicola Pietrangelo, quende a supera e brasileño Carlos Fernandez cu score di seis-uno y seis-tres.

Den e weganan femenina, e argentina Graciela Moran a elimina e brasileña Susana Petersen cu score di seis-cuater y seis-tres y Vera Lucia Leto di Brasil, cu ta triunfa riba e chilena Michele Rodriguez, cu anotacion di cuater-seis, seis-tres y seis-cuater.

SERGEI SIVKO A FALLECE

MOSCU -- UPI -- Sergei Sivko, campeón amateur europeo di peso gallo na 1961 y ganador di un medalla di plata como boxeador di peso mosca den e olimpiadanan di 1960 a muri ayera den un accidente automovilístico, segun a ser informá pa e agencia di noticia Tass.

Delaracion di Burnham tocante e isla Ankoko

GEORGETOWN -- UPI -- E prome ministro Forbes Burnham a declara na un grupo di funcionarionan y tecnonan di e empresa di television Venevision, di Caracas qu e motibu pa cual e delegacion guyanes den e conferencia di Ginebra na februari no a plantea e cuestion di e isla Ankoko tabata pasobra e "venezolanonan no a invadi territorio di Guayana ainda."

Ora qu nan a puntrele pakiko el a prefera na debati e asunto di Ankoko den e corte internacional di justicia y no dilanti un comision mixto (qu a ser estableci pe acuerdo di Ginebra pa busca un solucion ne trobel fronterizo entre e dos paisnan), Burnham a responde qu el ofrece Gobierno venezolano una oportunidad di trata e problema di Gobierno na Gobierno.

"Nos a sugeri qu tur dos gobiernu, a traves di nan representantenan, lo examina un mapa di 1905 qu a ser firma pa e britanico y e venezolanonan y e ora ey dicidi e diferencianan di limitenan."

"E comision mixto tabatin e encargo riba su lomba e ora ey", asina el a bisa den un entrevista pa television di "tra-

ta e reclamacion venezolana di qu e acuerdo di 1899 tabata nulo e invalido y no esun di discutí e delimitacion di e frontera.

Burnham a bisa tambe qu e delegadonan guyanes den e comision mixto lo participa den e reunion qu a ser senjala na Caracas den curso di e luna aki semper qu e reunion lo ser arregla pa un momento razonable y conveniente. El a agrega qu e "delegadonan lo tin instrucciones especifica di qu nan lo no trata e cuestion di Ankoko aya."


Na fin di e entrevista Burnham a despidi cu un mensahe na pueblo venezolano "Den pasado y actualmente Venezuela y Guyana a biba manera bisinjanan amistoso y mi ta kere qu nos por y mester continua asina."

CA-SI-NO por ta

PERO CASINO TA HACIE

**UN BUNITA RADIO
TRANSISTOR "STANDARD"
DEN SU ESTUCHE CU SU
"EAR PHONE"**

**di 6 Transistor y un
Tuning Range di 540 - 1600 kc**



**Pa solamente 700 paki bashi
di Casino of fls. 5.-- mas 400
paki bashi di Casino**



**CAMBIA AWOR PA E UNICO SI-
GARIA CU CHARCOAL FILTER**

**CU TA SER TRAHA NA ANTIL-
LAS.**

**DESPUES DI TENDE DI E OFER-
TA AKI**

**TUR HENDE CU TINO
TA HUMA CASINO!**

Gobierno aleman ta buscando apoyo publico pa Kiesinger

BOEN--UPI--En busca di apoyo publico pe candidato a nan a eligi pa canceller di e partido mayoritario Democrata Cristian, Gobierno aleman a dicidi pa duna importancia na e ex-nazi Kurt George Kiesinger y pa mustra su contribucion na e unidad europeo.

Muchas e partidarianan di Kiesinger tabata traha pa reuni e voto an den Parlamento, e vocero di Gobierno Karl Guenther a Hase a bisa den conferencia di prensa qu e hendenan a bisa loke Kiesinger a hasi pa relacionnan franco-aleman pa mundu liber lo no keda sin influencia esaki pa medio di Kiesinger na pa qu su pasado.

Kiesinger, di 62 anja di edad, durando e ultimo ocho ministerio preside nanan (prome ministro) di e estado di Baden Wuertemberg, a colabora den e direccion di e seccion di radio di e ministerio di asuntunan exterior durante e nazinan. Ela ser cri-

tica pa esey.

Gobierno estatal di Kiesinger a duna un documento na publicidad qu ta revela qu Kiesinger a ser denuncia pa un otro empleado den e ministerio di exterior nazi na 1944 pasobra e tabata contra e propaganda anti-hudiew. E no a actua riba e denuncia, sinembargo, y Kiesinger no a ser kita for di su puesto te despues qu guerra a termina.

Kiesinger a bisa e periodistanan na Stuttgart, na unda e ta presidi e parlamento estatal, qu tabata un agrado p'e pa tin un documento cu cual e por contraaresta e "rumornan

falsu" riba su pasado politico "zwart op wit".

"Den mi opinion un hende mester tin e balor un biaha pa enfrenta e hudiewnan colectivo cu exito y bisa; ta depende di si un hende tabatin of no un actuacion limpi."

E democratnan cristian a eligi Kiesinger como nan candidato pa reemplaza Ludwig Erhard como canceller. Erhard a bisa di lo renuncia, si ta necesario pa crea un gobierno nobo despues di qu e Partido Democrata a retira un coalicion cu su partido debi ne forma den cual gobierno tabata maneja e presupuesto.

E democratnan cristian awor tin mester di controla 249 voto di e 496-nan den Bundestag pa qu su seleccionado ser eligi. Comoquiera qu nan tin apoyo di 245 voto, nan tin di logra apoyo di e democratnan liber qu tin 49, of di e partido socialista, qu ta dirigi e alcalde di Berlin Occidental quende tin 202.

Aunke dificultadnan a presenta despues: Geminis-12 a ser lansa cu exito

CENTRO ESPACIAL, Houston--UPI--E astronautan norteamericano James Lovell y Edwin Aldrin a ser lansa cu exito ayera for di Cape Kennedy pa medio di un Titan despues qu nan a lansa e blanco qu tabata un Atlas Agena.

E lanzamiento a tuma lugar ayera tardi.

Mas anochi nan a informa qu e astronautan Lovell y Aldrin, quendenan tabatin dificultadnan y mester a lucha cu fayonan den e sistema di comunicacion y radar, a logra na acerca y despues join e cohete Agena, qu tabata circula den espacio cu nan propio recursonan.

E acoplamiento a tuma lugar na un altura di 395 kilometer den espacio.

E astronautan a informa, sinembargo di ta den problemanan cu e maquina na 7.200 kilo di empuje di e cohete Agena qu mester impulsa e capsula Geminis-12, na cual e ta pega, na un altura di mas o menos 740 kilometer den espacio mas dilanti.

E acoplamiento, qu a ser hasi di e dos vehiculonan, tabata na momentonan qu nan tabata bayendo cu un velocidad di 27.200 kilometer pa ora riba Pacifico Occidental y a hasi esaki na momentonan qu e capsula tabata den su di tres orbita rond di terra.

E demora, tabata producto, parse di dos factor adverso. Un di nan tabata un fayo den e sistema di radar qu a pone qu e astronautan mester a depende

gran parti di nan propio vista pa acerca e cohete Agena. E otro tabata un interrupcion den e sistema di comunicacion qu e impedi nan tende instruccional qu tabata ser duna na nan for di terra pa hasi un acoplamiento preciso.

Sinembargo e astronautan logra na realiza e operacion delicado dependiendo di nan propio recursonan cu cual nan a cumpli e parti mas importante di nan mision; un operacion qu e astronautan tin di hasi pa por regresa terra despues qu nan se manda luna.

Mas den oranan laat di ayer nochi e administracion di aeronautica y espacio a dicidi pa efectua e experimento segun cual e cohete Agena cual tabata pegna e capsula Agena lo a impulsa esaki na un altura di mas o menos 730 kilometer door di espacio.

Cancelacion di e experimento tabata debi na un fallo den e machinnan impulsador di e cohete Agena, despues di un operacion di acoplamiento perfecto pa parti di e astronautan James Lovell y Edwin Aldrin.

HUNGRIA A PROTESTA USO DI GAS Y PRODUCTONAN QUIMICO

NACIONNAN UNI -- UPI --Hungria a afirma qu e tactica militar di Estados Unidos di uso di gasnan y productonan quimico na Vietnam ta na "randa di un genocidio".

E pais aki a pidi Nacionnan Uni pa condena e guerra quimica y no-bacteriologica como crimen internacional.

Formulando e demanda, e delegado hungaro Karoly Csatorday no a menciona di un informe di Merca di qu Vietcong a usa granadanan di gas no-venenoso contra un patrulla di ejercito norteamericano banda di frontera di Camboya.

William C. Foster, negociador hefe di Estados Unidos den asuntunan di desarme, a causa Csatorday di inyecta cuestionnan di e guerra frieuw den un debate riba desarme, y a nenga qu Estados Unidos tabata usa gasnan di cualkier tipo na Vietnam.

Foster no a referi ni un ora so na e uso di granadanan di gas pa parti di Vietcong pero a agrega di lo contesta e discurso di e delegado hungaro mas despues y mas detalladamente.

E intercambio di palabra a tuma lugar den e principal comite politico di e asamblea general, na unda Hungria a presenta un revolucion pa cu Nacionnan Uni declara qu e uso di arma quimica of bacteriologica ta constitui un violacion di e protocolo di Ginebra di 1925 y por lo tanto ta un crimen in-

ternacional.

Csatorday a bisa qu e uso di gasnan no-venenoso pa parti di Estados Unidos ta causando mortonan na Vietnam.

Estados Unidos ta sostene qu na ta usa gasnan lagrimogeno como medida di control similar na esun qu polisnan den hente mundu ta usa pa domina demostracionnan. Agentenan quimico ta ser usa den e checkment di mondinan a fin di stroba concentracionnan Vietcong mir bon kiko nan ta hasi.

Di su parti e secretario general di Nacionnan Uni, U-Thant a reafirma den lenguaje mas energico qu prome di hiba e tres puntonan qu ela propona na mesa di conferencia Merca mester stop cu su bombardeo na riba Vietnam del Norte.

E embajador Arthur Goldberg a bisa cu nan ta considera plan di Thant como un conjunt pero un vocero di e secretario a reclaca qu e "prome punto esun inicial y tin qu ser hasi como prome paso."

HOROSCOPO

ARIES (mar. 21 a abril 19) Es aconsejable que, si es posible, con los planes para el futuro, siempre y cuando no sea extravagante y no se enoje con nada. La palabra sabias de otros deben ser seguidas.

TAURO (abril 20 a mayo 20) Continúe haciendo lo que un pariente desea de usted, sin quejarse. No siga demorándose en los asuntos problemáticos que le han ocasionado tantos dolores de cabeza. Sea práctico.

GEMINIS (mayo 21 a jun. 20) Evite ser abrumado con tantos trabajos cívicos que no le agüen u otros asuntos que no estén resultando como usted quisiera. Estudie y lea mas. Tenga mas fe y todo saldrá bien.

CANCER (jun. 21 a jul. 22) No labore con la idea de que usted puede comprar cualquier cosa. Si gasta el juego mas de acuerdo con las reglas. Use su dinero mas inteligentemente. Haga arreglos mejores financieramente.

LEO (jul. 23 a ago. 22) No siga pensando que otros tienen que hacer lo que usted desea de ellos o se meterá en problemas y perderá la buena voluntad que ha creado tan laboriosamente. Viva la Regia Aurea.

VIRGO (ago. 23 a sept. 21) En vez de lamentarse sobre lo que ya pasó, ocúpese de laborar constructivamente con lo que tiene delante. Mejore su salud. Ayudando a otros usted también se ayudará. Use su sentido comun.

LIBRA (sept. 23 a oct. 22) Sus

compañeros de trabajo parecen estar de un humor pose usual de modo que tenga paciencia y todo saldrá bien. Sea mas precido al exponerle sus ansias a otros. Entonces lograrán los resultados que desea.

ESCORPION (oct. 23 a nov. 21) Usted necesita la aprobacion de sus superiores en lo relacionado con ciertos proyectos o tendrá llos más tarde. No acepte responsabilidades sin autoridad. Juegue al seguro y no podrá equivocarse jamás.

SAGITARIO (nov. 22 a dic. 21) No deje de demostrar cortesía hacia los demás aunque estos se sientan de mal humor, ahora. Viva la Regia Aurea, sin importarle que otros no lo hagan. No deje que le desvian del camino.

CAPRICORNIO (dic. 22 a ene. 19) Salir a divertirse cuando usted tiene promesas que cumplir, solo lo meteran en problemas. Lleve a cabo sus obligaciones y pongase del lado seguro. Demuestre bondad a un ser querido.

ACUARIO (ene. 20 a feb. 18) Muéstrese cortés, aunque sus asociados este de un humor peculiar, puesto que eso no le concierne a usted. Los acuerdos hechos deben ser ejecutados en el espíritu correcto. No se demore mas.

PISCIS (feb. 19 a mar. 20) Usted puede encontrar el sistema correcto para hacer su trabajo mejor pero dependa en otros también que sean personas expertas.

DECISION LAMENTABLE

E decision qu e pilotonan qu ta den servicio di ALM a tuma di proclama un welga di solidaridad pa motibu qu un di nan a hafia su retiro, ta masha lamentable.

Nos ta lamenta e hecho aki sinceramente, pasobra na promer lugar nan ta poniendo na peligro e bon desarrollo qu e compania di aviacion local a bini ta experiencia durante e ultimo tempunan mientras qu di otro banda, nan a nenga redondamente di soucha pa e peticion di directiva di e compania, pa soluciona e problema mediante deliberacion y combersacion.

Debido na esaki no a keda directiva di e compania nada otro sino di trata di obligá e pilotonan aki di reanuda nan trabao mediante un orden hudicial. Esaki tambe ta lamentable pero ta otro remedi no tin. ALM mester sigui funciona. Ta imposibel pa su funcionamentu ser interrumpi awor aki, den e periodo crucial qu nan ta pasando actualmente den formacion di un base fuerte qu lo mester ta e base pa un desarrollo sano den futuro di vista qu por surgi, pero si tuma un posicion definitivo di antemano, anto esaki lo hasi nada otro sino dafia e ambiente pa combersacionnan den futuro.

Si directiva di ALM a kita un piloto for di trabao, nan lo tabatin nan motibu pa esaki y conociendo e responsabilidad cu cual e directornan a bini ta traha durante e tempu qu nan ta na cabes di e compania, nos no ta duda qu nan lo tabatin nan motibunan fundá.

Ademas di esei, tur doño di trabao por kita un trahador for di trabao, basta e ponele na altura debidamente di acuerdo cu loque ley ta stipula pasobra si e persona aki ta stroba buena marcha di su compania, anto e mester kitele na trabao. No tin ningun ley qu ta obligá un doño di trabao di tene un hende qu no ta cumpli cu e condicionnan qu su trabao ta exigí, pa sigui tenele na trabao.

Nos ta spera qu e pilotonan lo reconsidera nan posicion y laga nan bon hui-cio prevalece riba nan emocion. Ningun hende no ta tuma nan na malu si nan ta buscando nan derecho, pero e consecuencia di derecho aki no mester tuma lugar cu e consecuencia cu pan di cada dia di mas qu 450 empleado ta corre peligro.

Nos tin e impresion qu e welga aki lo ta di corto duracion, pero e mester ta un aviso pa den futuro trata di evita e clase di accionnan aki lo mas tantu posibel. Si un compania qu awor ta lantando cabes, for di trempa cuminsa hañele den dificultadnan manera esun cu a afectele for di diabierna, e consecuencia nan por ta desastroso.

KOSYGIN TA BISHITA FRANCIA

PARIS--UPI--Prome ministro di Union Sovietica, Alexei Kosygin lo bishita Francia di dia prome pa nueve di december, pa discuti cu presidente Charles de Gaulle riba e situacion mundial y e cooperacion franco-sovietica, segun un portavoz di Gobierno a informa.

A peticion di e prome mandatario frances, nan lo duna Kosygin tur e honornan correspondiente na un hefe di estado. Esaki ta di prime bes qu tal privilegio ta ser duna na un prome ministro bishitante. Nan ta spera qu De Gaulle y Kosygin lo hasi un estudio completo di e problema mundial, for di Indochina te na Alemania y e economica y cientifica franco-sovietica.

E anuncio di e fecha di e viaje di Kosygin a ser duna di conoce poco despues qu nan a informa qu e ministro di Hacienda, Michel Debre, lo bai Moscu diarason awor pa tene combersacionnan, durante di su permanencia di cuater dia, riba e intercambio comercial y cooperacion tecnica y cientifica. Tambe nan ta spera qu Debre lo yuda na prepara e agenda, pa e bishita di

Kosygin qu entre otro lo bai inclui tratamiento di problemanan economico.

Debre lo establece un comision mixto na Moscu qu lo tin na su encargo e trabao relaciona cu e cooperacion tecnica di tur e

dos paisnan. Tur e asuntunan aki a presenta despues qu presidente Charles de Gaulle a bishita Union Sovietica na verano ultimo.

Segun e fuentenan frances, e perspectivanan di cooperacion

entre Francia y Union Sovietica ta asina brillante qu e linea directo nobo entre e oficina di general De Gaulle y Kremlin lo ser bautiza, pa acuerdo mutuo, cu e nomber di "Linea berde" ya qu berde ta e simbolo di speranza.

PERISCOPIO MUNDIAL

CAPE KENNEDY -- E astronauta norteamericano Lovell y Aldrin a ser lanza cu exito ayera y mas den oranan di anochi a acopla na nan blanco den espacio, logrando asina e prome exito di e ultimo vuelo di e serie Gemini.

SAN JUAN, Pto. Rico -- Gobernador Roberto Sanchez Vilella durante su alocucion pa qu e conferencia regional di Rotary Internacional a declara qu creacion di un Mercado comun di Caribe lo ta culminacion di e cooperacion regional qu awor ta ser realiza den e zona aki.

MONTE- de MARSAN (Francia) -- Fuentenan militar a informa qu Francia a realiza su prome lanzamiento di un cohete balisti-

co experimental di alcance intermedio, for di un silo subterráneo cu tur clase di exito.

LONDRES -- Inglaterra ta investigando e posibilidad di qu tabatin actonnan contraria a ley di secretonan oficial cu cual e pais ta protega su mes contra spionnan. Nan a bisa qu "investigacionnan amplio ta ser hasi."

GEORGETOWN (Guayana) -- Gobierno lo presenta na parlamento un proyecto di ley riba e detencion preventivo y restriccion di libertad, segun nana anuncia. Di acuerdo cu e disposicion aki, ningun persona lo por ser detenida pa mas di tres luna sin aprobacion di un tribunal especial qu lo ser crea.

PARIS -- Prome ministro di Rusia Alexei Kosygin lo bishita Francia di dia prome pa nueve di december, pa discuti cu presidente Charles de Gaulle riba e situacion mundial y e cooperacion franco-sovietica, segun un portavoz di gobierno a informa.

GREENVILLE (Mississippi) -- Elton Willars, sospechoso di a asalta un banco di Jackson, a secuestra e hefe di investigacion di Greenville, Roy Long, y a obligale pa stuur su propio auto y hibe le na mas o menos 40 kilometer mas leeuw. Pero polisnan a sigui ele y a detenele.

BONN -- En busca di apoyo publico pe candidato qu nan a eligi pa canceller di e partido mayoritario Demócrata Cristian Gobier-

no Aleman a dicidi pa duna importancia na e ex-nazi Kurt Georg Kiesinger y pa muestra su contribucion na e unidad europeo. Kiesinger tin documentonan pa muestra qu e no a hasi nada nunca.

NACIONNAN UNI -- Hungria a afirma qu e tactica militar di Estados Unidos di uso di gasnan y productonan quimico na Vietnam ta na "rand di un genocidio". E pais aki a pidi Naciones Unidas pa condena e guerra quimica y no-bacteriológica como crimen internacional.

SAN ANTONIO (Texas) -- Presidente Johnson tabata mantene tur su actividadnan den su oficina y a duna di conoce qu e fin di siman aki probablemente elo dicidi fecha y lugar pa su operacion. E presidente ademas tin un problema muscular na su shoulder drechi pero nan a informa qu ta trata aki di unicamente un molestia chiki.

GENOVA (Italia) -- Gremionan portuario na Genova a anuncia qu descargá lo demora durante un ora di e proximo barcu argentino cu yega como protesta contra e reglamentacionnan portuario nobo na Argentina.

GEORGETOWN -- E prome ministro Forbes Burnham a declara na un grupo di funcionarionan y techniconan di e empresa di television Venevision di Caracas, qu e motibu pa cual e delegacion guayanes den e conferencia di Ginebra na februario no a plantea e cuestion di e isla Ankoko tabata pasobra e "venezolanonan no a invadi territorio di Guyana ainda".

SAN JUAN--(Puerto Rico)--UPI-- Creacion di un Mercado Comun di Caribe qu lo ta culminacion di e cooperacion regional qu awor ta ser realiza den e zona, a ser anuncia pe gobernador, Roberto Sanchez Vilella durante su alocucion pa qu e conferencia regional di e Club Rotario Internacional.

Mas adilanti, e gobernador a manifesta qu Puerto Rico "ta bayendo pa e vanguardia den e fomento di cooperacion regional" y qu esaki lo hibe le pa creacion di un Mercado Comun di Caribe.

ABONA
ARUBAANSE
COURANT

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE

BOTICA

NACHTDIENSTEN: Oranjestad
Botica Oduber Tel.: 1780
San Nicolas Botica San Lucas
Tel.: 5119

CINEMA

De Va : 8.30 p.m. "Thunderball"
all
Rialto: .00 p.m. "The Sporting
Life" 18 i.
Principal: 8.00 p.m. "Harper Th
Moving Target" 18 i.
aurora: NO MOVIES
Savaneta: 8.00 p.m. "For Those
Think Young" 14 i.

CENTRO ESPACIAL HOUSTON-Texas -- UPI -- E direccion di Aeronautica y Espacio -NASA- awe a confirma existencia di manchanan solar, qu a ser anticipa pa e instituto aleman di investigacion di satellite y espacio na Bochum. No obstante, nan a declara qu e manchanan solar den e caso aki ta demasiado debil pa peligra e mision di astronauta-nan James Lovell y Edwin Aldrin. Segun e instituto di Alemania Occidental e manchanan solar cu por emitir radioactividad mortal si nan ta basta fuerte, por a peligra e paseo espacial di Aldrin y cu lo tuma lugar majan mainta. Un vocero a declara tambe que manchanan solar por ta responsabel pa e dificultadnan qu e nave Gemini-12 por topa durante e promer oranan di e vuelo espacial. Un vocero di Nasa a declara qu pa varios siman nan ta investigando y siguiendo e manchanan solar y cu nan no ta representa ningun problema pa e astronauta-nan.

MONTE-DE-MARSAN (Francia) --UPI-- Fuentenan militar a informa qu Francia a realiza su prome lanzamiento di un cohete balistico experimental di alcance intermedio, for di un silo subteraneo qu tur clase di exito. Nan no a indica e distancia na unda e proyectil a bai cai, pero e voceronan a bisa qu ela funciona manera tabata ser spera y qu ela baha den Oceano Atlantico, west di e base militar costanero aki sur di Burdeos.




DICK TRACY

presenta pa cortesia di:

VICTORIA BOTTLING COMPANY

PEPCI-COLA--SEVEN UP--G RAPETTE-KIST--

VICTORIA SODA WATER--BUFFALO ROCK--GINGER ALE



PEPITA



E HERENCIA

"Keda keto Barn", Ana Maria ta bisa, pasobra e no kier stroba e quietud cu ta reinando entre nan dos. Gil ta zak y ta cariciá riba su cabes. Despues e ta bisa: "Mi no a spera di mirabo awe, Ana Maria. Net mi a sali pa tuma poco aire fresco. Ya for di 5'or caba mi ta trahando." "Micielo, pakiko?" "Wel, e ora mi culpa ta fresco y mi cabes por pensa mihor. Semper mi ta traha mihor mainta trempan, pero ya despues di 10'or mi mester obliga mi mes pa continua y mi tin cu haci hopi esfuerzo." "Bo no a contami mucho cos di bo trabou ainda. Di kiko e boeki cu bo ta skirbiendo ta trata? Mi tin gana di haya sa algo di dje." "Bon bisá, bo no sa mucho cos di mi, no ta berdad?", e ta puntra. Pero nunca bo a puntrami algo tampoco, Ana Maria. Bo ta un mucha muher strango. Mi no conoce ningun mucha muhe cu lo no puntra mesora, pakiko mi ta biba den un cas bjeuw asina, na lugar di busca un cas mas drechi. Tambe pakiko di repente mi a bin biba akina, y di unda mi ta exactamente." "Pero si bo tabata kler pa mi sa tur esey, lo bo a contami sin cu mi tabata tin mester di puntra bo nan." Gil ta pasa su braza rond Ana Maria su schou-

der y ta halé mas serca. E ta los su lenso y Gil ta pega su cara contra su cabey. "Mi dushi, lo jega un día cu mi lo contabo tur cos. E ora lo mi no tin ningun secreto mas pa bo." "Danki", Ana Maria ta bisa y ta hala pega mas serca di dje. Di repente e holoshi di e toren ta cumenza bati duro, y un grupo di mucha ta binlendo na careda. Gil ta lagué los ya ta bisa: "Ata e grupo di zangkoor. E makakonan semper mester bin laat". E mucha homber mas dilanti, cu tin un gorra color scur bisti ta cumenza grita: "Hallo, señor Muller!" "Hallo Alfie, con ta bay cu bo mama?" "E ta bon. Mayan e ta bolbe bin." "Corriendo e grupo ta drecha e curá di e misa. "Esey ta jlu homber di mi sirvienta, un senjora masha trabable. E tabata malo poco dia pasá." "Y ken a percurá pa bo e dianan ey?" "Ningun hende. No mirami asina desconfiá. Mi ta masha hábil, mi por hasa webo cu ham y mi por drecha cama, tambe mi por laba tayo y...." Ana Maria ta sonrei y su lipnan ta tembla un poco. Gil ta keda miré. "Dushi", e ta bisa.... "ta berdad loke mi ta bisabo, Pero no preocupabo. No ta nada si mi percura pa mi mes algun dia." "Mi ta kere

cu mi ta worry, pasobra mi ta stimabo." Gil ta cohe tené na su schoudernan y ta halé serca di dje, y Ana Maria ta hayé obliga di miré den su cara. "No papia asina Ana Maria. Mi sa cu bo no ta stima mi. Apenas bo conocemi, pesey mi ta pidibo, no perde bo curazon pa mi. E cos ay no ta bon. Bo a tendemi?" Suave e ta sacudí. "No ta bon Ana Maria!" Ana Maria ta para riba su teenchi planan, y ta sunché riba su boca. "Claro cu ta bon. Mi no por imaginami algo mihor. Bo mes a bisa cu nos ta pas pa otro manera dos zapato. Nos pertenecé na otro." "Hopí blaha mi sa papia coy loco", Gil ta bisa. "No pensa mas riba e cos ey, Ana Maria. Mi ta mucho bjeew pa bo. Mi a pasa den mucho cos. No, esaki ta imposibel!" "O Gil, mi dushi, esta bobo bo ta. Awor si bo ta papia coy loco. Bo ta tur cos pa mi. Mi sa masha bon cu nos a cabi conoce otro, pero ki importancia esey tin? Mi a biba dies nuebe anja cu Gerrit Berg den e mesun cas, pero te ainda mi no conocé, pero en cambio abo mi conocé masha bon mes. Mi sa cu abo ta e unico homber riba henter mundo pa mi." E ta pasa su man den esey di Ana

Maria. "Mi ta cana cu bo te unda bo mester bay". "Bo kler deshaci di mi?" Ana Maria ta puntra sonriente. "Ta duel mi Gil, cu mi a ponebo confuso. Mi mester a warda te ora bo mes a "papia", y e ora mi mester a bisa: Oh, esta inesperbo ta puntrami Pero ami no ta asina. Semper mi ta bisa mesora kiko mi ta sinti. Ta asina mi ta, mi no por yuda". Gil no ta contesta, pero e ta primi su braza contra su curpa. Nan ta sigui cana. Solo ta dispare atrobe. Eneblina frieuw ta dal contra Ana Maria su garganta y e ta cumenza tosa. "Dispensami", Ana Maria ta bisa. "Ta e neblina ta ponemi tosa". Barn ta bin cana pegá cu né y Gil ta tené su man duro. Ana Maria ta sinti cu e ta sonjando, y cada rato e por spierta y hayé drumi den su cama. Nan ta jegando serca, y di leeuw nan por distingui e cas. "Pronto e neblina lo dispare", Gil ta bisa. "Awe e tempo ta masha strango. Bo por sigui bo so, Ana Maria?" "Si, naturalmente". Un poco tímido e ta coy Gil su man tene, e tin berguenza. "Gil, di berdad cu ta duel mi masha tanto. Kiko lo bo bay pensa di mi?" "Wel, mi ta kere cu bo ta e mucha muher di mas dushi cu mi a jega di topa". Gil ta contesta. "Pero bo mester bira mas spier-to y tambe dominá bo mes un poco. Corda semper riba e palabranan: soppi purá ta sali salo. Principalmente akibanda. Bo no

mester corre perde bo curazon pa cualkier hende. Amor verdaderamente mester ta manera un konopi di flor cu lentamente ta habri, y no di repente." E ta coy Ana Maria primi y ta sunché asina suave, cu casi e no ta sinti su lipnan. "Mihor nos lubida nos combersacion di amor ey, nos no mester pensa mas riba dje, okay?" Ana Maria ta admiti serio, cu miedo pa e no cumenza jora. "Wel, si bo ta haya cu ta bon Gil". "Si, mi ta haya cu asina ta mihor, Ana Maria. Si aki un rato bo emocion pasa, y bo sinta pensabo mes bon, lo bo keda contento cu nos no a sigui papia. Lo bo puntra bo mes, con ta posibel cu bo por a sinti semejante sentimentonan pa un homber manera mi. Drenta paden, Ana Maria, haci e diadomingo aki mas agradabel posibel y lubida tur cos." "Ki día mi ta bolbe mirabo?", e ta puntra. "Kiko bo ta kere di mayan mainta den e snackbar? BO por bin?" "Okay, mayan mainta dies un'or". E ta zak y ta sunché na su cara, despues e ta bolbe cariciá Barn y ta caba bay. Ana Maria ta keda pará keto. Impaciente. Barn ta gravata na e porta. E ta sinti perdi den un mundo sonjador unda ta existi e cu Gil solamente. Hasta e tempo ta parce cu no kier pasa. E ta pará ainda ora cu Gerrit ta jegando serca. "Ta bo tayo, Ana Maria. Mi a kere cu ta un spierito mi a mira".